



SLUŽBA ZA REVIZIJU FINANSIJSKOG POSLOVANJA

Na osnovu člana 14. stav (1) Zakona o finansiranju političkih stranaka («Službeni glasnik BiH» broj 22/00), člana 24. Pravilnika o godišnjim finansijskim izvještajima političkih stranaka («Službeni glasnik BiH» broj 61/06), a u skladu sa članom 12. Pravilnika o administrativnim procedurama pregleda, kontrole i revizije finansijskih izvještaja političkih stranaka («Službeni glasnik BiH», broj: 103/08), izdajem

IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2008. GODINU POLITIČKE STRANKE DEMOKRATI BOSNE I HERCEGOVINE

Broj: 03-07-6-1587/09
Sarajevo, 09.12.2009. godine

SADRŽAJ

MIŠLJENJE REVIZORA	3
1. UVOD	4
2. PREDSTAVLJANJE POLITIČKE STRANKE	4
3. OPIS PREGLEDA I KONTROLE FINANSIJSKOG IZVJEŠTAJA	4
Predmet pregleda i kontrole	4
Cilj pregleda i kontrole.....	4
Obim pregleda i kontrole.....	5
4. PRETHODNE KONTROLE I REVIZIJE	5
5. NALAZI I PREPORUKE	5
5.1. NALAZI.....	5
5.2. PREPORUKE	6

MIŠLJENJE REVIZORA

Služba za reviziju finansijskog poslovanja u Centralnoj izbornoj komisiji Bosne i Hercegovine izvršila je pregled godišnjeg finansijskog izvještaja političke stranke Demokrati Bosne i Hercegovine za 2008. godinu.

Rukovodstvo stranke je odgovorno za finansijske izvještaje, postupanje stranke u skladu sa Zakonom o finansiranju političkih stranaka i uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Na osnovu našeg pregleda utvrđeno je sljedeće:

Demokrati Bosne i Hercegovine nisu ispoštovali odredbe člana 11. stav (4) i odredbe člana 12. stav (2) Zakona o finansiranju političkih stranaka.

Pregledom, odnosno kontrolom finansijskog izvještaja, osim gornje napomene nismo zapazili ništa značajno što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka.

1. UVOD

Služba za reviziju finansijskog poslovanja u Centralnoj izbornoj komisiji BiH (u daljem tekstu: Služba za reviziju) je izvršila pregled godišnjeg finansijskog izvještaja Demokrata Bosne i Hercegovine za 2008. godinu.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka («Službeni glasnik BiH» broj 61/06) i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka («Službeni glasnik BiH» broj 103/08).

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja Demokrata Bosne i Hercegovine u 2008. godini nisu ostvarili nikakav prihod.

Red.b r.	Vrsta prihoda	Iznos u KM	Učešće u Uk.prih. %
1	Članarina	0,00	
2	Prilozi fizičkih lica	0,00	
3	Prilozi pravnih lica	0,00	
4	Prihodi od imovine	0,00	
5	Prihodi od pr.lica	0,00	
6	Prihodi od poklona	0,00	
7	Prihodi iz budžeta	0,00	
	Ostali prihodi		
	Ukupni prihodi:	0,00	

U godišnjem finansijskom izvještaju Demokrata Bosne i Hercegovine nisu iskazani rashodi.

2. PREDSTAVLJANJE POLITIČKE STRANKE

Naziv političke stranke: Demokrati Bosne i Hercegovine. Skraćeni naziv stranke je Demokrati BiH.

Politička stranka Demokrati BiH je registrovana kod Kantonalnog suda u Sarajevu pod brojem RF -1293/06 i R-I-2/99 01.06.1999. godine.

Prema podacima navedenim u finansijskom izvještaju za 2008. godinu, sjedište političke stranke je u Sarajevu, ulica Titova br. 28.

Lice ovlašteno za zastupanje stranke je prof. dr. Safet Ćibo, predsjednik stranke.

Lice ovlašteno za podnošenje finansijskih izvještaja za 2008. godinu je Refik Dedović.

Prema podacima iz finansijskog izvještaja, Demokrati BiH nemaju niže organizacione dijelove.

3. OPIS PREGLEDA I KONTROLE FINANSIJSKOG IZVJEŠTAJA

Predmet pregleda i kontrole je godišnji finansijski izvještaj Demokrata BiH za 2008. godinu.

Cilj pregleda i kontrole je da revizor na bazi finansijskog izvještaja pokuša da ustanovi da li su Demokrati BiH u izvještajnom periodu postupala u skladu sa odredbama Zakona o finansiranju

političkih stranaka. Ukoliko revizor na bazi kontrole finansijskog izvještaja utvrdi određena kršenja navedenog zakona, ocjenjuje da li je potrebno izvršiti reviziju u prostorijama političke stranke da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

Obim pregleda i kontrole finansijskih izvještaja Demokrata BiH obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava.

4. PRETHODNE KONTROLE I REVIZIJE

U prethodnom periodu izvršen je pregled godišnjeg finansijskog izvještaja 2006. i 2007. godinu, nakon kojeg je izdat izvještaj o pregledu sa mišljenjem revizora, nalazima i preporukom revizije da stranka treba postupati u skladu sa odredbama člana 11. stav (3) i stav (4) Zakona o finansiranju političkih stranaka i Pravilnikom o godišnjim finansijskim izvještajima političkih stranaka.

Nerealizovane preporuke:

Na osnovu uočenih nedostataka u godišnjem finansijskom izvještaju za 2008. godinu, utvrđeno je da Demokrati BiH nisu postupili po preporukama revizije, datim u Izvještaju o pregledu za 2007. godinu.

5. NALAZI I PREPORUKE

5.1. NALAZI

a) Stranka je prekršila odredbe člana 11. stav (4) Zakona o finansiranju političkih stranaka.¹

Centralna izborna komisija BiH je aktom broj 03-07-3-1587/09 od 14.08.2009. godine, koji je Demokratima BiH dostavljen u skladu sa članom 85. Zakona o upravnom postupku („Službeni glasnik BiH“, broj: 29/02 i 12/04)², zatražila od stranke da dostavi dokumentaciju o vlasništvu i uslovima korištenja poslovnog prostora u 2008. godini.

Stranka nije postupila po zahtjevu, odnosno nije dostavila traženu dokumentaciju.

b) Demokrati BiH su prekršili odredbe člana 12. stav (2) Zakona o finansiranju političkih stranaka.³

¹ Sva lica obavezna da podnesu izvještaj, moraju podnijeti i dodatne izvještaje koje Centralna izborna komisija BiH zatraži.

² Dostava je izvršena javnim saopštenjem na oglasnoj ploči Centralne izborne komisije BiH, jer je pošilka predhodno upućena putem Pošte BiH vraćena sa naznakom da je primalac odselio. Stranka nije obavijestila Centralnu izbornu komisiju BiH o promjeni adrese.

³ Podnosioci izvještaja obavještavaju Centralnu izbornu komisiju BiH o imenovanju ovlaštenog lica koje je odgovorno za podnošenje izvještaja i ovlašteno da kontaktira sa Centralnom izbornom komisijom BiH, u roku od tri (3) dana od njenog imenovanja i u slučaju bilo kakve promjene statusa tog lica, dužni su u roku od tri (3) dana obavijestiti o toj promjeni.

Stranka nije obavijestila Centralnu izbornu komisiju BiH o promjeni ovlaštenog lica koje je odgovorno za podnošenje izvještaja i vođenje knjiga i koje je ovlašteno da kontaktira sa Centralnom izbornom komisijom BiH.

U izvještaju za 2008. godinu kao ovlašteno lice za podnošenje finansijskih izvještaja za 2008. godinu je naveden Refik Dedović, a da predhodno o njegovom imenovanju, odnosno promjeni ranije imenovanog lica, stranka nije obavijestila Centralnu izbornu komisiju BiH.

5.2. PREPORUKE

Preporučuje se Demokratima BiH da se pridržavaju odredaba Zakona o finansiranju političkih stranaka, a posebno na osnovu uočenih nedostataka se preporučuje:

- *da postupa u skladu sa odredbama člana 11. stav (4) Zakona o finansiranju političkih stranaka, odnosno da dostavlja izvještaje i drugu dokumentaciju koju zatraži Centralna izborna komisija BiH,*
- *da Centralnu izbornu komisiju BiH, u skladu sa članom 12. stav (2) Zakona o finansiranju političkih stranaka, obavještava o promjeni adrese stranke i promjenama lica ovlaštenog za podnošenje izvještaja.*

Komentar

Demokrati Bosne i Hercegovine se nisu očitovali na nalaze revizije i mišljenje revizora dato u preliminarnom izvještaju o pregledu godišnjeg finansijskog izvještaja za 2008. godinu koji je stranci dostavljen 30.10.2009. godine.

Mr. Hasida Gušić, šef Službe za reviziju